

道門科範大全集卷之三十一

三洞經錄弟子仲勵編

普火懷炁道場儀

啓壇行道

法事陞壇如式

各禮師存念如法

宣衛靈呪

東方

九炁青天明星大神 煥照東鄉 洞映九門
轉燭陽光 掃穢除氛 開明童子 號曰玄卿
備衛我軒 上對帝君 收魔束妖 討捕兇羣
奉承正道 赤書玉文 九天符命 攝龍驛傳
普天安鎮 我得飛仙

南方

三炁丹天 煥景浮光 榮星轉燭 洞照太陽
上有赤精 合契虛皇 開明靈童 號曰華房
總統大兵 備守玉堂 斬邪束妖 剪截魔王
北帝所承 風火莫當 流鈴交煥 翊衛壇場
正道流行 敢有已狂 我事上功 坐運魁罡
億劫長存 保天無疆

西方

七炁素天 太白流精 光耀金門 洞照太冥
中有素皇 號曰帝靈 保神安鎮 衛我身形
斷絕邪源 王道正明 官殿整肅 三景齊并
道合自然 飛昇紫庭 靈寶符命 普惠萬生
元皇正炁 來合我身 功加一切 天地咸寧

北方

五炁玄天 元始徘徊 辰星燦爛 光耀太微
黑靈尊神 號曰層威 統冠飛天 仙裙羽衣
備衛五門 檢精捕非 敢有干試 豁落斬摧
玉符所告 神鎮八威 邪門閉塞 正道明開
映照我身 三光同輝 策空駕浮 舉形仙飛

中央

一炁黃天 調理乾坤 陶鑄陰陽 總統玄真
鎮星吐輝 流煥九天 開明童子 號曰天璣
元炁陽精 焰上朱烟 洞照天下 及臣等身
百邪摧落 殺鬼萬千 中山神呪 普天使然
五靈安鎮 身飛上仙
鳴法鼓二十四通
無上三天玄元始三炁太上道君太上老君

召出巨身中三五功曹左右官使者左右捧
香驛龍騎吏侍香童傳言散花玉女五帝
直符直日香官各三十六人出出者嚴裝顯
服冠帶垂纓關啓玄壇上地方域神真且今
啓壇行道謹奏為入意其諸忱悃已錄告聞
願得

太上十方至真道炁靈寶瑞光下降流入且
身中今且所啓速達徑御

太上無極大道

昊天玉皇上帝御前

請稱法位

具位且恭與臨壇官眾謹同誠上啓
虛无自然元始天尊太上道君太上老君昊
天玉皇上帝九皇至尊十方上聖諸君丈人
三十六部尊經玄中大法師圓穹上象火德
熒惑星君鶉首鶉火鶉尾之次雍秦周洛楚
荆之分列宿星君厚地洞宮嶽瀆主宰三界
應感一切真靈且聞大道混融並資陶於一
氣元精既判咸稟受於五行惟火德之攸司
總南訛之大柄凡切覆育悉荷照臨且念共

業以無知恐招殃於不測危疑度日激切馳
誠滙膽披肝獻花酌水恪遵靈訓祇奉明威
瞻紫籙之前驅從翠華之下待普加洪覆俾
遂安居占舍次之休祥保鄉鄰之綏靖且等
告盟之始廣濟為先觀其祇畏之詞宜在闕
陞之列仰希大造允納虔祈醮官詞誠謹當
宣奏

宣詞

誦詳詞語灼見至誠不忘累歲之祈禱仰觀
萬靈之憫覆醮儀既戒齋範奉陳殫精意以
申闡竭輿情而俯豫伏願慈顏妙感道力勞
道未離玄座而周遍十方不下宴居而已超
塵劫敢憑靜念昭事虛皇少歇祭燿之儀為
退守心之度伏乞玄都列聖紫極高真洞鑒
乃東誕垂至應勅勒監齋使者里域真官奏
事金童傳言玉女靈寶官屬一合同心降臨
壇所肅清內外降伏妖魔使且等百神營衛
一念清虛啓奏咸通思念立感醮功上徹善
錄天司普及醮官某家消蕩千災增延百順
息除焚燎掃蕩瘟邪同歸道德之風共樂昇

平之化明且依法行道續更以聞謹啓

十二願

復爐

香官使者左右龍虎君侍香諸靈官當令且
向來啓壇行道之所自然生金液丹碧芝英
百靈眾真交會在此香火爐前當願十方仙
童玉女接侍蘭烟傳且向來所啓速達徑御
至真無極大道

昊天玉皇上帝御前

出堂頌 出戶

道門科範大全集卷之三十一